

Rundi - Agape Ivyanditswe - God's Love Letter Scriptures

Yohana 15:9 Nk'uko Data yankunze, ni ko nanje nabakunze; ni mugume mu rukundo rwanje.

Yesaya 43:1,2 - AbanyEfeso 2:10 Kuko turi ibiremwa vyayo, twaremewe muri Kristo Yesu ngo dukore ibikorwa vyiza, ivyo Imana yateguye kera ngo tubigenderemwo.

Yeremiya 1:5 - Ab'i Galatiya 1:15 Ariko aho bihimbariye Imana yandobanuye nkiri mu nda ya mama, ikampamagara ku bwo ubuntu bwayo,

Yohana 15:16 Si mwebwe mwantoraniye, ariko ni jewe nabatoraniye, nabashizeho kugira ngo mugende murama imbuto, kandi ngo imbuto zanyu zigumeho, kugira ngo ico muzosaba Data cose mw'izina ryanje, akibahe.

3 Yohana Rya Gatatu 1:2 Mukundwa, ndagusengera ngo umererwe neza muri vyose, uhore uhanganye, nk'uko ubugingo bwawe bumerewe neza.

Yesaya 43:4 - 1 Petero Rya Mbere 2:9,10 Ariko mweho muri ubwoko bwatoranijwe, muri abaherezi b'ibwami, muri ihanga ryera, abantu bashiriweho kuba inyegu yihariye, kugira ngo mukwize ishimwe ry'Iyabahamagaye, ikabakura mu mwiza, ikabashitsa mu muco wayo utangaje. **10** Kera nta bantu mwarimwo, ariko noneho muri abantu b'Imana; kera ntimwaribwagiriwe imbabazi, ariko noneho mwarazigiriwe.

Yeremiya 31:3 - AbanyEfeso 1:4 Nk'uko yadutoranirije muri we, itanguriro ry'isi ritarashirwaho, kugira ngo tube abera tutagira agasembwa imbere yayo, turi mu rukundo.

2 Timoteyo Rya Kabiri 1:9 yadukijije, ikaduhamagarisha umuhamagaro wera, udatewe n'ibikorwa vyacu, ariko utewe n'uko yabigabiye ubwayo, kandi utewe n'ubuntu bwayo, twaherewe muri Kristo Yesu ibihe vyose bitaraba.

Yohana 3:16 Kuko Imana yakunze urukundo abari mw'isi ari rwo rwatumye itanga umwana wayo w'ikinege, ngo uwumwizera

wese ntazopfe rubi, ariko ahabwe ubugingo budashira.
Hoseya 11:8; Yesaya 49:15,16; & Yesaya 41:13,14
Luka 12:32 Yemwe mwa busho buto, ntimutinye; kuko So
bimuhimbara kubaha ubwami.
Matayo 28:20 mubigishe kwitondera ivyo nabageze vyose. Umve,
ndi kumwe namwe imisi yose, gushitsa ku muhero w'isi.
Yohana 14:1 Ntimuhagarike imitima yanyu, mwizere Imana, nanje
munyizere.
Zaburi 23:1 - Yohana 10:11 Ni jewe mwungere mwiza; umwungere
mwiza yigura intama ziwe.
Zaburi 23:2 - Intangamarara - Ivyahishuriwe Yohana 7:17 kuko wa
Mwagazi ari hagati aharabana n'iyi ntebe, azobaragira, kandi
azobashora ku masoko y'amazi y'ubugingo; kandi Imana
izohanagura amosozi yose ku maso yabo.
Zaburi 23:3,4 - Luka 1:79 Ngo urasire abicaye mu mwiza no mu
gitutu c'urupfu, Urongorere ibirenge vyacu mu nzira y'amahoro.
Zaburi 23:5,6 - 2 Ab'i Korinto Rya Kabiri 1:10 Kuko bavuga bati:
"Amakete yiwe arahambaye, arasogota, ariko iyo ari ino,
arakengeretse, kandi amajambo yiwe nta co amaze."
Ab'i Filipi 4:7 Maze amahoro y'Imana aruta uko yomenywa
n'umuntu wese, azorinda imitima yanyu n'ivyiyumviro vyanyu
muri Kristo Yesu. "
Imigani 3:24 & Zaburi 4:8 - Yohana 14:27 Amahoro
ndayabasigaranye, amahoro yanje ndayabagabiye. Jeho
sindayabagabira nk'uko abo isi bagaba. Imitima yanyu
ntihagarare, kandi ntitinye.
Zaburi 33:18 - 1 Petero Rya Mbere 3:12 Kuko inyonga z'Uhoraho ziri
ku bagororotsi, N'amatwi yiwe ari ku vyo basenga, Ariko
igitsure c'Uhoraho kiri ku bakora ibibi.
AbaRoma 5:2 yadushikanishije ukwizera muri ubu buntu
duhagazemwo, kandi tunezerezwa no kwizigira kuzobona
ubwiza bw' Imana.
Yesaya 55:12 - Luka 19:40 Arabishura ati: "Ndababwire, Aba ni
bahora, amabuye arasemerera."
Yohana 16:22 Ni ko namwe muri mu mubabaro, ariko nzosubira
kubabona, kandi imitima yanyu izezereza, umunezero wanyu

nta n'umwe azowubanyaga.
Luka 12:9 Ariko uwunyihakanira imbere y'abantu,
azokwihakanirwa imbere y'abamarayika b'Imana.
Matayo 10:30 Ariko n'umushatsi wo ku mitwe yanyu wose
waraharuwe.
Yesaya 54:10 - Matayo 24:35 Ijuru n'isi bazorangira, ariko
amajambo yanje nta co azoba.
Matayo 11:28-30 Ni muze kuri jewe mwese abananiwe
n'abaremerewe, ndabaruhura; 29 mwikoreze ingata yanje,
munyigireko; kuko ndi umugwaneza, niyoroheje mu mutima;
namwe muzoronka uburuhukiro bw'imitima yanyu. 30 Kuko
ingata yanje itababaza, n'umutwaro wanje uhwahutse.
Salomo 2:10 & Hoseya 2:14,19,20
2 Ab'i Korinto Rya Kabiri 11:2 Ndabafitiye ishari ryo kubwo Imana,
kuko nabahaye umugabo umwe, ni we Kristo, ngo
ndabamushingire mumeze nk'inkumi itunganye.
Exodus 3:14 - AbaHeburayo 13:8 Yesu Kristo uko yari ari ejo, n'uwu
musi ni ko akiri, ni ko azokwama ibihe bidashira.
Hoseya 13:4 - Igitabo C' Ivyakozwe N'Intumwa 4:12 Kandi nta
wundi agakiza kabonerwamwo, kuko ata rindi zina musi y'ijuru
ryahawe abantu dukwiye gukirizwamwo.
Yohana 15:14 Muri abakunzi banje, ni mwakora ivyo ndabategetse.
Yohana 14:6 Yesu aramubwira ati: "Ni jewe nzira, ukuri n'ubugingo;
nta wushika kuri Data ntamujanye.
Intangamarara - Ivyahishuriwe Yohana 3:20 Ehe mpagaze ku rugi,
ndaramukije. Umuntu ni yumva ijwi ryanje, akugurura umwango,
ndinjira i we, dusangire.

Pastor T. Yohana Franklin
Church of Salvation, Healing, and Deliverance
COS-HAD.org